

ՀՆՋԱԿՅԱՆՆԵՐԻ ԿԱԶՄԱՎՈՐՄԱՆ ԳԱՂԱՓԱՐԱԿԱՆ ԱՐՄԱՏՆԵՐԸ*

ՀՍՍՀ ԳԱ ակադեմիկոս Ա. Գ. ՀՈՎՀԱՆՆԻՍՅԱՆ

Հնչակյան կուսակցության հիմնադիրներից երկուսը՝ Ավետիս Նազարբեկյանը և Մարտ Վարդանյանը, 80-ական թվականների սկզբներին Պետերբուրգում ուսանելիս, կապված էին նարոդովոլյան զաղափարներով համակված ռուս ուսանողական շրջանների հետ: 1883 թ. Սորբոնում սովորելու համար Պետերբուրգից Փարիզ անցնելով, նարոդովոլեց Հովհաննես Լորիս-Մելիքյանի հետ միասին նրանք առիթներ ունեցան հանդիպումներ ու մտավոր շփումներ ունենալու նարոդովոլյան վտարանդիների նշանավոր պարագլուխ Պ. Հավրովի հետ: 1886 թ., արդեն որպես Նազարբեկյան ամուսիններ, նրանք տեղսփոխվեցին Շվեյցարիա և մտան Ժնևի համալսարանը: Բնչպես Նազարբեկյան լույզը, այնպես նաև նրանց զաղափարակից ընկերները, ուսանողներ Թուրին եանապատյանը, Բաբրիել Կաֆյանը, իսկ փոքր-ինչ հետո նաև Սաքո Աղամիրյանը, Հակոբ Մեղավորյանը և Հմայակ Խուշպուլյանը, 1887 թ. Ժնևում չիմք դրին արևմտահայերի ազատագրման գործին ծառայելու կոչված հնչակյան կուսակցությանը¹: 1887 թ. աշնանը նրանք ձեռնարկեցին «Հնչակ» օրգանի հրատարակությանը, որի գրեթե բոլոր հոդվածները անստորագիր կամ է. Ակնարկյան ծածկանունով շարադրում էր թերթի արտոնատեր Ավետիս Նազարբեկյանը:

Գրական իր մկրտությունը Ավետիս Նազարբեկյանը ստացել էր Մարսելում հրատարակվող «Արմենիայի» էջերում, սակայն չկարողանալով համատեղել ռուս նարոդնիկներից ժառանգած գյուղացիական սոցիալիզմի զաղափարները «Արմենիայի» լիբերալ հայացքների հետ, Նազարբեկյանը շուտով խլում է իր կապերը այդ պարբերականից և նույնիսկ հատուկ պամֆլետ է գրում նրա խմբագրի դեմ «Հայակուլ քամելեոն» վերնագրով:

Բնչպես և ազդային-նարոդնիկական մյուս խմբակները՝ «Հնչակը» ևս լուսնողրանիկ խոսքը ուղղեց հայ ժողովրդի «կրթված և հասկացող զասակարդին» առավելապես այդ «զասակարդի» երիտասարդությանը, ելնելով այն հայացքից, թե «լուկ նրա եռանդը, նրա խոսքը, նրա ուժը կարող են բարձրացնել թուրյա հայ ընդհանրության խեղդված ոգին և ժողովրդի ոտների տակ պատրաս-

* Մի հատված հեղինակի «Ուրվագծեր XIX դ. II կեսի արևելահայ հասարակական հոսանքների և ազդային քաղաքական կուսակցությունների պատմության» աշխատությունից:

¹ Հարկ է նշել, որ վերը հիշատակված խմբակի ձևավորման շրջանում նրան մոտ էր կանգնած նաև Գեորգ Ղարաջյանը, որը 1886 թ. մտել էր Մոնպելյեի գյուղատնտեսական դպրոցը, իսկ 1887—1889 թթ. սովորում էր Ժնևի համալսարանում. սակայն, մարքսիզմի ազդեցությանը ենթարկված, նա հեռանում է հնչակյաններից, նախքան լույս կտեսներ «Հնչակ» թերթի տոաջին համարը: Թե հիրավի Ղարաջյանի մեջ մինչ այդ արդեն մարքսիստական բեկում էր կատարվել այդ մասին վկայում են «Մշակի» 1888 թ. № № 93, 105 և 127-ում նրա թղթակցությունները:

տել հաստատուն հող հեղափոխական գործի հաջողության համար»²։ Այնուամենայնիվ ինչպես բոլոր նարողնիկները, «Հնչակը» ևս իրեն նշանաբան է դարձնում՝ գործել «ժողովրդի մեջ, ժողովրդի հետ և ժողովրդի համար»։ Իր անունը Գերցենի «Կոլոկոլից» փոխ առած, և անընդհատ դարթոնքի կոչեր հղելով հայրենի երիտասարդությանը, «Հնչակը» հետամուտ էր վերացնելու ժողովրդի և երիտասարդության միջև ընկած անջրպետը³։ Զերնիշևսկու մահվան առիթով գրված հոդվածում թերթը ընդգծում էր ուսման մեծ հեղափոխական-դեմոկրատի ազդեցությունը հայ երիտասարդ սերնդի վրա. «Նիկոլայ Գալրիլովիչը կրթել է ևս բավականաթիվ ուսանող երիտասարդներ,—գրում է թերթը,—որոնք միշտ կրելով իրենց սրտում մեծ մարտիրոսի վեհ կերպարանքը և տոգորված խորին երախտագիտությամբ դեպի նա, ողբում են իրենց մեծ ուսուցչի անփոխարինելի կորուստը»⁴։

1887—1890 թթ. «Հնչակի» գաղափարախոսության նարողնիկական նրստվածքները բացահայտելու տեսակետից վճռական նշանակություն ունի հրնչակյան կուսակցության 1888 թ. տպագրված անդրանիկ ծրագիրը։ Նվազ ցուցանշական չէր նաև «Հնչակի» 1889 թ. առաջին և երկրորդ համարներում Լ. Ակնարկյանի (իմա՝ Ավ. Նազարբեկյանի) տպագրած «Նոր հոսանք» հոդվածը, որն ամբողջովին նվիրված է կուսակցության ծրագրի տեսական հիմնավորմանը։

Իր այդ հոդվածում կուսակցության նարողնիկ պարագլուխը ջանում էր թերթի ընթերցողներին համոզել, թե սոցիալիզմը դրսեկ հոսանք չէ հայ կյանքում, այլ ուսմունք, որ դրական հիմքեր ունի հայ իրականության մեջ, որտեղ առհաստակ արտադրության կից գոյություն ունեն ինչպես արհեստավորների, աշխատողների և գյուղացիների «համայնքներ»։ Հեղինակը կարևոր է համարում, մանավանդ, դյուղական համայնքների առկայությունը. դրանց մեջ նա տեսնում է «հայ գյուղական համայնական, կոմունական կարգերի, հողատիրական կոմունական կերպերի» հիմքերը։ Հայաստանում հարատևող գյուղական այդ համայնքների մեջ ծրագիր մեկնաբանող հեղինակը նշմարում է գյուղացիական սոցիալիզմի հաղթության գլխավոր երաշխիքը։ «Մեր, սոցիալիստներիս, ամենագլխավոր հոգսերից մեկն է... նախազգուշացնել հայ ժողովրդին կապիտալիզմի ախտից, առաջն առնել Հայաստանում այդ ախտի մուտք գործելուն»։ Կուսակցության «մոտավոր նպատակի» — «ռամկավարական-քաղաքական ազատության» — իրականացումն այն պատճառով է, որ պիտի արգելք դառնար Հայաստանում կապիտալիզմի ներմուծին և պատվանդան լինել «հեռավոր նպատակի» — սոցիալիզմի — կառուցման համար։ Ուստի, եզրակացնում է հեղինակը, հարկավոր է, որ հասարակության գիտակցական մասը կանխապես ջանք ու հարկավոր միջոցներ գործ դնե կապիտալիզմի սպառնալից թշվառությունները կանխելու և մեր երկրում սոցիալիզմի հաղթանակի համար նպաստավոր դյուղական համայնքների դոյատևությունն ապահովելու համար։

Հնչակյան ծրագրի դասակարգային և սոցիալիստական դրույթները գործնականում ներհակում էին նրա ազգային-քաղաքական պրակտիկային։ Երկու-երեք տարի անց այդ բանը ղգաց նույնիսկ հնչակյան կուսակցության պա-

² «Հնչակ», 1887, № 1.

³ Տե՛ս, օրինակ, «Հնչակ», 1888, № 4—5, Ա[կնարկյանի] «Երիտասարդություն» հոդվածը։

⁴ «Հնչակ», 1889, № 4.

րազմուխը, երբ հարկ համարեց զեն նետել նարոդնիկական սոցիալիզմի շա-
սիկը և հազնել նոր ժամանակներին պատշաճող մարքսիզմի վերնազգեստ:

Բնորոշ էր այն բանավեճը, որ տեղի ունեցավ անդրանիկ ծրագրի շուրջը
«Արմենիա» թերթի աշխատակից Ա. Սյունիի (իմա՝ Ք. Օհանյանի) և «Հնչակի»
խմբագիր Նազարբեկյանի միջև: Ա. Սյունին ասում էր, թե անհնարին բան է
արգելել կապիտալիզմի մուտքը: Չառարկելով այն գրույթին, որ կապիտա-
լիզմը նախագրյալներ է ստեղծում սոցիալիզմի համար, «Հնչակի» խմբագիրն
ուղեկավարը տալիս էր 80-ական թվականների նարոդնիկների պատրաստի
պատասխան:

«Եթե կապիտալիզմն իր մեջ կրում է այնպիսի տարրեր, որոնք պատրաս-
տում են սոցիալիստական կազմակերպության հաստատությունը, դրա համար
դեռ անհրաժեշտ չէ, որ ամեն մի ժողովուրդ կրե կապիտալիստական կազմա-
կերպությունը, որովհետև այն պատրաստիչ տարբերը կարող են դարգանալ և
այլ միջոցով... Մեր կարծիքն այն է, որ եթե Հայաստանն ամփոփվե ռամկա-
վարական-հանրապետական պայմաններում, նա իր տնտեսական սովորու-
թյուններով ու առանձնահատկություններով կարող կլինի խուսափել կապի-
տալիստական բուն կազմակերպությունից, միանգամայն օգտվելով դրա հար-
կավոր ու առողջ պտուղներից»⁵: Մինչդեռ հնչակյան անդրանիկ ծրագրի հեղի-
նակները հետամտում էին ապահովագրել հայ կյանքը «կապիտալիզմի ախ-
տից», վերջինս արդեն ճարակել էր նրա արևելահայ հատվածի օրգանիզմը:
Իհարկե նրանք անտեղյակ էին, որ Հայաստանի իրականությունը հեռու էր նաև
ուս նարոդնիկներին հուսադրող «հողատիրական կոմունական կերպերի» շոր-
շոփներից:

Հանձնարարելով համայնական սոցիալիզմը որպես կապիտալիզմից ապա-
հովագրող համադարման, հնչակյանները ենթադրում էին զրանով երաշխա-
վորել հայ ժողովրդի լիակողմանի դարգացումը: Ընդամին, նրանք նեցուկ էին
բրոնում «հնուց մեր կողմից ժառանգած գյուղական համայնքի» մեջ, և ունեին
այն համոզմունքը, որ անցյալից եկող այդ ժառանգությունը կոչված է ապա-
գայում մեծ դեր կատարելու հայ ժողովրդի բարօրության գործում, նրա առաջ
ուղիղ ճանապարհ հարթելով դեպի սոցիալիզմը:

Առ այս նազարբեկյանը վկայակոչում է Կ. Մարքսի՝ ռուս նարոդնիկնե-
րին հղած հայտնի նամակը, որ «կապիտալի» հեղինակը ասում էր, որ ահա-
մրտյան երկրներում սոցիալիզմի հաղթության դեպքում հետամնաց երկր-
ները հնարավորություն կունենան իրագործելու սոցիալիզմը, շրջանցելով կա-
պիտալիզմը: Իր պատասխանի մեջ «Հնչակի» գլխավոր տեսաբանը հնարավոր
էր գտել դանց առնելու մեր ընդգծած մարքսյան վերապահումը:

Ի տարբերություն «Արմենիա» թերթի հետևորդների, իրենց անդրանիկ
ծրագրում «Հնչակը» և հնչակյանները ևս պաշտպանում էին այն կարծիքը, թե
միայն ազատագրման համար ոտքի ելած արևմտահայերի ղինված ապստամ-
բությունն է, որ կարող է հարկադրել պետություններին միջամտելու հօգուտ
հայկական ռեֆորմների: Եթե ուղում ենք,— գրում էր հետագայում «Հնչա-
կը»,— որ Եվրոպան միջամտե և մեր դատին լուծում տա, ամենից առաջ
պետք է մենք ինքներս մեր մեջ կենտրոնացնենք մեր բոլոր ուժերը, դնելով
դրանց հեղափոխական ուղիի վրա: Եվ միայն այդ ընթացքով մենք կարող

⁵ «Հնչակ», 1889, № 3:

կլինենք ցնցել եվրոպական տերություններին՝ մեր արյունահեղ կռիվներով թուրքի դեմ, զրանով շոշափելով և նրանց (իմա՝ տերություններին—Ա. Հ.) արևելյան շահերը, և այսպիսով միայն նրանց կամա-ակամա հարկադրված տեսնել միջամտելու մեր ու թուրք կառավարության միջադեպում»⁶։ Ընդամին «հայկական հեղափոխությունը» հետամտելու էր ավելի հեռահար խնդրի լուծման, քան հայաբնակ նահանգների վարչական ռեֆորմները։

Նարոդովուցիներից հնչակյանները որդեգրեցին կազմակերպչական ցենտրալիզմի և տեոթրիստական տակտիկայի գաղափարները։ Նրանք ևս ելնում էին այն հայացքից, թե հեղափոխությունը պետք է հաղթանակի «կազմակերպված փոքրամասնության» ուժերով։ Կամենուվ էին ուժով ու փառությամբ լոնակալությունից ետ առնել այն, ինչ որ դաբեբ առաջ նրանք իսկ էին հայեցից՝ նրանց ինֆնուույնությունը։

Արևմտահայ շարժման հաղթանակի ևրաշխիքը «Հնչակը» տեսնում էր այն քանում, որ արևմտահայությունը կազմում է հայ ժողովրդի 2/3-ը, և որ Բեռլինի դաշնագրով նրա դատը արդեն մուտք է գործել միջադեպին դիվանագիտության շրջանը։ Թուրքիայում իշխող բռնատիրությունը մոտ ապագայում հայապատի կործանում է սպառնում արևմտահայերին, նրանց դատապարտելով ժայրահեղ քայքայման, աղքատության ու պանդխտության։ Այս գրոհները շարունակվելով՝ սպառնում է արևմտահայ ժողովրդին դարձնել մի այլ տերության որս։ Հայության մեծամասնությունը մի բռնապետությունից պոկվելով, կրկնի մի այլ բռնապետության ճիրանները, նրա ազատության և առաջադիմության գործը կհետաձգվի երկար ժամանակով։

Այս նկատառումով է հենց, որ հնչակյան կուսակցությունը մոտավոր նպատակ էր դնում հայկական անկախ պետության մեջ միավորել Թուրքիայի, Ռուսաստանի և Պարսկաստանի մեջ մտնող հայաբնակ հողերը։ Թուրքահայ ժողովրդի ազգային անկախությունն ու քաղաքական ազատությունը ձեռք բերելուց ու հաստատելուց հետո նրանք ձգտում էին ազատել օտարները լծից նաև ռուսահայերին ու պարսկահայերին և նրանցից կազմել դաշնակցային-ռամկապետական հանրապետություն։ Հնչակյանների անդրանիկ ծրագիրը կանխում ու դուշակում է նաև, որպեսզի հետո է, որ հայ ժողովրդի համար ճամփա կբացվի դեպի հեռավոր նպատակը, դեպի սոցիալիստական այն հանրակարգը, որին հանդիման է ամբողջ մարդկությունը։

Հնչակյանները առաջնահերթ էին համարում արևմտահայերի ազատագրումը, որի համար նպաստավոր նախապայման էին նկատում Բեռլինի դաշնագրության առկայությունը։ Մինչդեռ լիբերալները հայկական ռեֆորմներ էին աղերսում եվրոպական պետություններից, հնչակյանները հայկական հարցի լուծման անհրաժեշտությունը եվրոպական պետությունների ձեռքով անխուսափելի էին կարծում հայ հեղափոխականների կազմակերպած ցուցարարությունների ու դիմված ապստամբությունների պայմանով։ «Միայն այդ դեպքում է, որ հակառակ իր կամքի, զոռով Եվրոպան, տեսնելով իր խաղաղությունը խախտված, պարտավորված կլինի վավերացնել հայ ժողովրդի պահանջները»⁷։

6 «Հնչակ», 1892, № 12, էջ 98։

7 Տե՛ս հնչակյան անդրանիկ ծրագրի բնագիրը, որ արտատպված է «Պատմություն ս. դ. հնչակյան կուսակցության», 1887—1962, Պեյրութ, հատ. Ա, էջ 36 և հտ.։

8 «Հնչակ», 1888, № 2 և 3։

Երբ ծանոթանում ես «Հնչակ» թերթի 90-ական թվականների համարներին, նկատում ես մի ձգտում՝ ներկայացնել հնչակյան կուսակցությունը որպես մի կազմակերպություն, որն իր ծնված իսկ օրից ունեցել է մարքսիստական կողմնորոշում և հանգիսացել սոցիալ-դեմոկրատական կուսակցություն։ Այսպես, տակավին 1893 թ. թերթը հայտարարում էր, թե «Հնչակի» «գոյության առաջին օրից մինչև այժմ (SIC) մեր սկզբունքները միշտ եղել են սոցիալ դեմոկրատական»⁹։

Եույն միտքն են արտահայտում հնչակյան ղեկավարները, երբ «Հնչակի» 1905 թ. № 1-ի առաջնորդողում հայտարարում էին, թե «Հնչակը» «հենց իր առաջին տարեշրջանից» [SIC], դիմագրավելով ամեն կողմից տեղացած կատաղի հարձակումներին, պարզել է գիտական սոցիալիզմի [SIC] դրոշը և այդ դրոշն է եղել նրա գաղափարական դոյուսթյան հիմնաքարն ու փարոսը»։

Նման ազդարարության հանդիպում ենք նաև մեր դարի տասական թվականների սկզբներին գովելի եռանդով Կ. Պոլսում հրատարակվող հնչակյան «Կայծ» պարբերականում, ուր նրանք ուղղակի ազդարարում էին, թե 1887 թ. հրատարակելով «Հնչակ» թերթի առաջին թիվը, կուսակցության ժնկյան հիմնադիրները իրենց անդրանիկ քայլափոխներից իսկ «մարքսիստական տեսակետով առաջնորդվեցան»¹⁰։

Անգիտանալով Կ. Մարքսի և Ֆ. էնգելսի հիմնադրած գիտական սոցիալիզմի և նարոդնիկների հռչակած ուտոպիական սոցիալիզմի տարբերությունը, հնչակյանները անտեսում են այն իրողությունը, որ իրենց կազմավորման պահին հայ իրականության մեջ դեռ բավարար նախատվյալներ չկային մարքսիզմի կամ սոցիալ-դեմոկրատիայի տարածման համար և որ այդ պահին իրենք արժարժում էին ոչ թե պրոլետարական կամ գիտական սոցիալիզմի, այլ նարոդնիկների քարոզած գյուղացիական կամ ուտոպիական սոցիալիզմի սկզբունքները միայն։

Հարկավ, չենք ժխտում այն, որ եթե ոչ «իր գոյության առաջին օրից», դեթ իննսունական թվականների սկզբներից հնչակյան կենտրոնի ղեկավարությունը ձգտում էր վերաբնել իր անդրանիկ ծրագրի ազգային-նարոդնիկական գաղափարախոսությունը և նրան հաղորդել մարքսիստական երանգ։ Մի շրջադարձ էր այս, որ ակնբախ է դառնում, երբ թերթում ես «Հնչակը» 1891 թ. տարեհամարներից սկսած։

Այդ պահից է, որ անդրադառնալով ռուսական և հայկական իրականությանը, թերթը գրում էր. «Ռուս, որպես և հայ ժողովուրդները երկրագործ են գլխավորապես, բայց երկուսի կյանքումն էլ այսօր կատարվում է նմանօրինակ տնտեսական կերպարանափոխություն, այն է՝ մուտք են գործել կապիտալիստական արդյունաբերության տարրերը, երկրի կապիտալը սկսում է կամաց-կամաց կենտրոնանալ մասնավոր անհատների ու մասնավոր ընկերությունների ձեռքը... նրանք, ժամանակի ընթացքում գրավելով ավելի ու ավելի մեծ շրջան, կհայտնվեն տիրապետող, և կապիտալիստական արդյունաբերության լուծը թագավորելով, կքայքայվեն նահապետական կերպերը»¹¹։ Առարկելով «Դրոշակին», որը շարունակում էր առաջատար դեր վերագրել

⁹ «Հնչակ», 1893, № 11—12 (ընդգծումը մերն է—Ա. Հ.)։

¹⁰ Տե՛ս «Կայծ», Կ. Պոլիս, 1913, Բ տարի, թիվ 10—11, էջ 324, Վանիկի հոդվածը։

¹¹ «Հնչակ», 1891, № 14, էջ 6։

Ռուսաստանի համայնական հողատիրությանը, «Հնչակը» գրում էր, որ «Ռուսաստանում մուտք է գործել կապիտալիզմն և հակառակ ուս ժողովրդի թեզիտակցության և թե կյանքի, քայքայում ու ոչնչացնում է նրա նույն համայնական հողատիրության կերպերը»¹²։ «Հնչակը» սկսում է նույնիսկ կասկածի տակ առնել նարոդնիկական այն հավատքը, թե գյուղացիական համայնքը բնական պատվար է սոցիալիզմի կառուցման համար։ Դրան նա սկսում է հակադրել իր համար իսկ նոր հայտնադործած այն միտքը, թե գյուղացի ժողովուրդը «իր տնտեսական տարբեր պայմանների շնորհիվ» «ընդունակ չէ յուրացնելու սոցիալիզմի դադափարները»¹³։

Եթե կուսակցության ազդային-նարոդնիկական ծրագրում հնչակյանները իրենց հեռավոր նպատակի իրադործումը կապում էին նախակապիտալիստական հայ գյուղի համայնական գյուղացիության հետ, իրենց նոր ազդարարությունների մեջ նրանք ապագա հասարակության կառուցումը լծորդում են կապիտալիստական հասարակության ընդերքում կազմավորվող պրոլետարիատի պեկավարությամբ կապիտալիստական հարաբերությունները սոցիալիստականի վերափոխելու համար մղվելիք հեղափոխական կուլի հետ։ «Հնչակի» ղեկավարը հիմա ելնում էր այն իրողությունից, որ առանց ժամանակակից պրոլետարիատի ո՛չ գյուղական համայնքի օգնությամբ և ո՛չ էլ կապիտալիզմի միջոցով անհնարին է հասնել հասարակության սոցիալիստական վերակազմությանը։ Ծիշտ է, մի պահ կարծես նա ղեռ շարունակում էր կառչած մնալ «համայնական հողատիրության կերպերին» վերադրված կախարդանքին, կարծելով, թե հողատիրության այդ կուրգերը ղեռ դրական։ անելիք ունեն ոչ միայն Հայաստանի արևելյան, այլև արևմտյան հատվածներում։ Թայց երկար կյանք չունեցավ այդ պատրանքը ևս։ Ֆ. Լասսալի «Ի՞նչ է սահմանադրությունը» գրքի հայերեն թարգմանության առաջաբանում, որ գրվել էր 1894 թ., Նազարբեկյանը արձանագրում էր արդեն, թե արևմտահայ գյուղացին լքում է իր հողը, զաղթում քաղաքները և դառնում վարձու բանվոր, և որ նույնը կատարվում է նաև արևմտահայ արհեստավորության հետ։ Կուսակցության ծրագրի 1897 թ. հրատարակության մեջ նազարբեկյանի հետևորդները հավաստիացնում էին նույնիսկ, թե իբր թուրքիայի արդյունաբերական քաղաքներում տասնյակ հազարների է հասնում երկրի հատ ու կենտ դործարաններում աշխատող հայ բանվորների թվաքանակը¹⁴։ Այսպես խորհողներն արևմտահայ հասարակության ընդերքում արդեն նշմարում էին, մի կողմից, հայ բուրժուազիայի և, մյուս կողմից, հայ բանվորության բեկոացումը։ Նրանք հայտարարում էին, թե արևմտահայ ժողովուրդն արդեն իսկ թեկոխել է կապիտալիզմի այն շրջափուլը, երբ նա, մոռացության տալով արտակապիտալիստական դարգացման հավատամքը, կարող է և պետք է առաջ շարժվի եվրոպական պրոլետարիատի հետ համաքայլ։

Իրենց այս շրջադարձից հետո նազարբեկյանի հետևորդները փորձում էին նոր լույսի տակ ներկայացնել անգամ թուրքիայի մյուս ժողովուրդների կացությունը։ «Երբեք չպիտի շփոթել,— գրում էր «Հնչակը» տակավին 1891 թ.,—

¹² Նույն տեղում։

¹³ Նույն տեղում։

¹⁴ Տե՛ս «Ծրագիր հնչակյան կուսակցության» (երրորդ հրատարակություն հանդիս ձևի նաբանություններով), Լոնդոն, 1897, էջ 32 և հտ.։

տաճիկ բռնակալ կառավարությունը տաճիկ թշվառ ու ստրուկ աշխատավոր ժողովրդի հետ: Ո՞ւմ հայտնի չէ, թե որչափ աղքատ, որչափ կեղեքված, որչափ հարստահարված է նույն այդ տաճիկ աշխատավոր ժողովուրդն իր սեփական կառավարության ձեռքով... Մի՞թե մենք այս բոլորիս ականատես չենք տաճիկ աշխատավոր ժողովրդի տնտեսական ավերման, որ նրան տանում է դեպի մահացում: Մի՞թե այս բոլորիս մենք ականատես չենք տաճիկ ժողովրդի քաղաքական կատարյալ ստրկության, որ հայոց քաղաքական դրությունից ոչ մի կերպ տարբեր չէ...»¹⁵: «Հնչակը» նշում է անգամ, որ թուրք ժողովրդի տարբեր ծախքերում սկսում է խլրտալ ազատագրական շարժումը. «Թուրքիան և թուրքերը» առաջնորդողում 1892 թ. «Հնչակը» գրում էր. «Սոֆթաների, ուսուցիչների, սպաների, վաճառականների մեջ արած հարյուրավոր ձերբակալությունները, հարյուրավոր աքսորներ, պաշտոնյաների... և վերջապես սուլթանի մշտական երկյուղն ու ոստիկանական լարված ուշադրությունը թուրք հասարակության նկատմամբ—այդ բոլորը... ականերև ապացույց են, որ թուրք հասարակության գեթ կրթված մասի գիտակցությունը գործում է բռնակալության դեմ»¹⁶: Հաջորդ առաջնորդողներից մեկում թերթը եզրակացնում էր. «Պարզ է, որ շահելու թուրք ժողովրդի համակրանքն ու աջակցությունը և կամ գեթ չեզոքացնելու համար նրա հակառակությունը հայերի դեմ, ասպատակային խումբը պետք է զործնականապես պաշտպան լինի այդ ժողովրդի հարստահարված մասի և միշտ ձգտե ապացուցանել, որ նրան թշնամի չեն հայերը և թե հայոց հեղափոխական ձգտումներն առհասարակ Հայաստանի ամեն հարստահարված ժողովուրդների օգտին են ծառայում»¹⁷:

Հիմա «Հնչակը» խոսում է նույնիսկ տաճիկ բռնակալության դեմ պայքարող ժողովուրդների հեղափոխական համագործակցության մասին: Սակայն նման ազդարարություններից հետո իսկ հնչակյան կուսակցությունը չէր անում դործնական որևէ հետևություն:

Սրա պատճառն այն էր պարզապես, որ «Հնչակի» տեսաբան Ավ. Նազարբեկյանի մարքսիզմը սխեմատիկ էր ու մակերեսային: Եվրոպական մայրաքաղաքների հեռակայից պատգամած հնչակյան տեսությունները, երկրի խոր ճանաչողությունից թափուր, աղարտում էին պատկերը այն իրականության, որի ազատագրական ձգտումներին ուղղություն տալու համար այնքան ջանք էր գործ դնում «Հնչակի» խմբագիրը, երբ փորձում էր, օրինակ, արևմտահայ սարաբանների մեջ տեսնել Թուրքիայի գյուղատնտեսական այն պրոլետարիատին, որին Թուրքիայում հաղթանակելիք գիտական սոցիալիզմի ջահակիր էր հռչակում:

Իրականությունը, դժբախտաբար, այն էր, որ կապիտալիստական կացութաձևը ճանապարհ էր հարթում Թուրքիայում արևմտաեվրոպական պետություններին հատկացված կապիտուլյացիաների անթացույով: Երկրի կյանքը, այդ թվում նաև նրա տնտեսական զարգացումը, միշտ ավելի ու ավելի էր կախման մեջ ընկնում գաղութատերերի դիրքեր նվաճելուն հետամուտ եվրոպական կապիտալից: Թուրքական իշխանությունը հակակշիռ ուժ չէր հանդիսանում առանձին կողոպտիչների և երկրի ժողովուրդների տնտեսական զարգա-

15 «Հնչակ», 1891, № 9, էջ 1—2:

16 «Հնչակ», 1899, № 9, էջ 72:

17 Նույն տեղում, № 11, էջ 88:

ցումն արգելակող արտասահմանյան կապիտալի հանդեպ: Թուրքիայի հպատակները շարունակում էին ենթակա մնալ հնավանդ արտադրանականներին և դրանց սպասարկող բռնապետական ուժի մի քմայքներին: Մասնավորապես մարաբայությունը Թուրքիայում այդ պահին ևս հանդիսանում էր ոչ թե կապիտալիստական, այլ ֆեոդալական շահադործության ենթակա ճորտության մի տարատեսակությունը սոսկ:

Ճիշտ է, XIX դարի ընթացքում արևմտահայ արհեստագործները տեղ-տեղ փորձեր արեցին միջնադարյան համայնքների վիճակից անցնել մանուֆակտուրային արտադրության, սակայն Թուրքիայում մուտք գործող կապիտալիստական կացութաձևը չէ, որ գերակշռող ուժ էր դառնում այսպիսով, կամ նախադրյալներ ստեղծում բանվորական շարժման և սոցիալիստական պրոպագանդի համար: Չդիմանալով եվրոպական ապրանքատերերի մրցավազքին, Թուրքիայի վտիտ ձեռնարկությունները մեկը մյուսի ետևից չքանում էին ասպարեղից կամ դատապարտվում աննախանձելի գոյավիճակի: Չվելով երկրի ծովափնյա քաղաքները կամ գաղթելով Ռուսաստան, Հունաստան, Բալկաններ և Ամերիկա՝ արևմտահայ գյուղացիներն ու արհեստավորները հաճախ փաստորեն խղում էին կենդանի կապերը երկրի լաղատագրական ջանքերի հետ:

Նշակյանների ղեկավար կենտրոնը անտեսում էր այն ճշմարտությունը, որ թուրքական իրադրության մեջ արևմտահայերը տառապում էին ոչ այնքան կապիտալիզմի հասցրած լարիքից, որքան նրա դարգացմանը նպաստող պայմանների բացակայությունից:

90-ական թվականների սկզբներին հնչակյան ղեկավարները կոնակ էին դարձնում նարոդնիկների տեսություններին ոչ թե Թուրքիայում ծայր առած կապիտալիստական հարաբերությունների ծագման պատճառով, այլ հայկական հարցին նպաստող նոր դինակիցներ գտնելու մտահոգությունից մղված: Հիրավի, այդ մի պահ էր, երբ Ռուսաստանի նարոդնիկական շարժումն ակնհայտորեն հոգեվարք էր ապրում: Օրավուր ակնբախ էր դառնում մարքսիզմի գերակշռող ազդեցությունը արևմուտքում՝ աներկբա դարձնելով գիտական սոցիալիզմի միջազգային կշիռն ու նշանակությունը: Կապիտալիզմի դարգացումը Ռուսաստանում, մի՞կողմից, նարոդնիկական գաղափարաբանությանը մարքսիզմի հասցրած քննադատական անողոք հարվածները, մյուս կողմից, բացահայտում էին նարոդնիկական հայացքներից հրաժարվելու անհրաժեշտությունը:

1889 թ. ամռանը Փարիզում կայացել էր սոցիալիստների միջազգային անդրանիկ կոնգրեսը և սկզբնավորել երկրորդ ինտերնացիոնալի գործունեությունը: Բանվորների միջազգային շարժման նորաստեղծ այդ կազմակերպության մեջ գերադանց կշիռ էին ստանում մարքսիստական կուսակցությունները: 1890—91 թթ. սկսած մայիսմեկյան ցույցերը ակներև էին դարձնելու պրոլետարիատի դերը միջազգային շարժման մեջ, առաջնություն տալով մարքսիստական կուսակցությունների ազդեցությանը:

Պատահական չէր, երբ 1889 թ. կոնգրեսին մասնակցող ռուսական նշանավոր սոցիալիստներից հնչակյաններն իրենց մանդատը հանձնել էին ռուս նարոդնիկական մտքի վետերան Պ. Լ. Լավրովին: Երբ հնչակյանների ղեկավարության մեջ 90-ական թթ. սկզբին կատարված գաղափարաբանական վերակառուցումից հետո օրինաչափական էր նաև, երբ ինտերնացիոնալի հաջորդ

կոնգրեսին հնչականների մանդատը փոխանցվեց ռուսական մարքսիզմի պա-
րագլուխ Գ. Վ. Պլեխանովին:

Ինչպես գերմանական սոցիալ-դեմոկրատների տեսական օրգան «Die
neue Zeit»-ում հետագայում գրում էր Ալլ. Նադարբեկյանը, հնչական ղեկա-
վարները այս շրջանում տարված էին այն հույսով, թե «սոցիալիստական կու-
սակցությունները կարող են իրենց բարձրացրած ձայնով «ազդեցություն գոր-
ծել Եվրոպայի հասարակական կարծիքի և Եվրոպական պետությունների վրա՝
օգնություն հասցնելու արյան մեջ խեղդվող հայ ժողովրդին՝ հայկական հարցի
լուծման համար»¹⁸:

Իհարկե, հնչականների ընձեռած նոր կուրսի հետևանք պիտի համարել,
երբ նրանք իննսունական թվականների առաջին կեսում սկսեցին թարգմանել
«Կոմունիստական մանիֆեստը» կամ Լասսալի «Ի՞նչ է սահմանադրությունը»:

Մարքսիզմի դադափարական ներգործության ցուցանիշներից մեկը պիտի
համարենք նաև, երբ հնչական գործիչ Հ. Մեղավորյանը, յուրացնելով Ֆ. էն-
գելսի «Ընտանիքի, մասնավոր սեփականության և պետության ծագման»
գրույթները, նույն այդ պահին Լոդանում պաշտպանում էր «Հայկական ընտա-
նիքի և ամուսնությանը» նվիրած իր դոկտորական հետազոտությունը:

Ակներև է, սակայն, որ հնչականների «նոր կուրսը» ավելի շուտ անդրա-
դարձնում էր 90-ական թթ. սկզբներից ի վեր միջազգային բանվորական շարժ-
ման մեջ մարքսիզմի ստացած կշիռը, բան այն տեղաշարժերը, որ այդ պահին
կարող էր ինքնաբերաբար կատարված լինել հնչական մտավորականության
գիտակցության մեջ, անդրադարձնելով Թուրքիայի ներսում կատարված
«...արդյունաբերական հեղաշրջումը»: Այնուամենայնիվ մասամբ մարքսիզմի
դադափարաբանության արձագանքներից էր, երբ 90-ական թվականներին
«երկրի» հնչական գործիչների մեջ երևացին մտավորականներ, որոնք հակ-
վում էին այն մտքին, թե հայկական շարժման հաղթանակը ապահովելու հա-
մար անհրաժեշտ է, որ կուսակցությունը գործունեություն ծավալի երկրի այ-
լազգի զանգվածների մեջ ազատագրական սուրմեր սփռելու համար:

Կ. Պոլսից, Սասունից, Զեյթունից դատ, այդ նույն պահին հնչականներն
իրենց գործունեության հանգրվան էին դարձնում Փոքր Ասիայի բաղաբները,
կազմակերպություններ ստեղծում Տրապիզոնում, Մարզվանում, Յոզղաթում,
Սալսոնում և Գարա-Հիսարում: Նրանք խուսափում էին Ռուսաստանի սահմա-
նամերձ Վասպուրականից կամ Բասենից, ելնելով այն համոզմունքից, որ եթե
այդ վայրերում հայկական ապստամբություն լինի՝ Անգլիան իսկույն կմիջա-
մտի և կվիժեցնի հայերի ջանքերը¹⁹: Թեպետև փոքրասիական վիլայեթների
հայ քաղաքաբնակչությունը հարաբերական մեծամասնություն լեր կազմում
մյուս ազգությունների նկատմամբ, այնուամենայնիվ փոքրամասնություն լի-
նելով վիլայեթի ընդհանուր բնակչության մեջ, այդ վայրերը ամուր հենարան-
ներ էին հանդիսանում հնչականների գործունեության համար: Ուստի և հաս-
կանալի է, երբ 90-ական թթ. սկզբներին երկրում աշխատող հնչականների
մեջ իսկ հայտնվում էին գործիչներ, որոնք Արևմտահայաստանի ազատագրման
գործում փորձում էին ընդգրկել երկրի այլազգիներին: Այսպես, Այնթարում

¹⁸ «Die neue Zeit», 1895, 1896, էջ 301:

¹⁹ Տե՛ս Թ. Բ եր բ ր յ ա ն ի «Երկու դարերի շեմերին» հոդվածը, «Հայրենիք» ամսագիր,
1939, № 1, էջ 141:

ներանք ղրաղվում էին տեղական մանածագործարանների հայ և թուրք բանվորների գործադուլ կազմակերպելով: Տիվրիկի շրջանում գտնված հառնավիզ գյուղում հնչակյան ժիրայրը գյուղացիներին կազմակերպում էր վաշխառուների դեմ, նրանց դիմադրության մղում հարկահանների քմայքների և թուրք ու հայ կապալառուների դեմ²⁰: Հնչակյան գործիչ Արամ Աչըգպաշյանը, Մինաս Օղլուի, Դանիել Չավուշի, ժիրայրի, Գալուստ Արխանյանի և Մառուկյանի հետ մտահոգված էին Սև լեռան մոտերքում թուրք հեղափոխական Շյուքրիի և քուրդ Ալույի հետ երկրի մանր ազգերի միասնական ճակատ հարգարելու՝ կառավարության դեմ²¹: Ազգային անխտրականության տրամադրություններ ունեին նաև հնչակյան Չելոն, Գաբրիել Կաֆյանը, Բարսեղ Զաքարյանը, Հարություն Թումանյանը, Մարտիկ Սարուխանյանը, իսկ փոքր-ինչ հետո՝ նաև հրնչակյան նշանավոր գործիչ Փարամազը և ուրիշներ, որոնք առիթներ չէին փախցնում գյուղացիական հեղափոխության գաղափարներ պատվասուել նաև աշխղզի միջավայրում:

1891 թ. «Հնչակում» լույս տեսավ Արևելցու հարբերդից հղած հուլիսածը, ուր հեղինակը նկարագրում էր հայ և թուրք գյուղացիների համատեղ ելույթը խճուղու տուրք դանձելու կառավարական հրամանի դեմ: «Եվ ինչո՞ւ տաճիկ ժողովուրդը չպիտի միանա հայոց հետ, — հարցնում էր Արևելցին, — երբ կոտես, թե, թե հայերը կպահանջեն հանրության կենաց բարվոքումը, առոնց այլևայլ սղգային խտրություն»²²: Նման ըմբռնում հանդես է դալիս նաև թերթի հաջորդ տարվա համարում տպագրված Ազատասերի հոդվածում: Հեղինակը գրում էր, որ սխալ է անդիտանալ հայ և թուրք ժողովուրդների՝ կառավարության դեմ միանալու անհրաժեշտությունը. «Զարգացած, ազնիվ, խոհուն և սիրտ ունեցող հայր չէ կարող առել ամբողջ ազգ մը, առավել ևս քաղաքականապես և տնտեսապես վերջին ծայրը ճնշյալ ազգ մը, ինչպես կը ներկայանա տաճիկ ժողովուրդը»²³:

Նրկրում աշխատող հնչակյան գործիչների՝ մյուս ժողովուրդների նկատմամբ դրսևորած նման լայնախոհությունը համապատասխան արտահայտություն է գտնում նաև կուսակցության արևելահայ ղեկավարներից ոմանց կողմից: «Տարազի» 1893 թ. համարներում հայտնի գրող հնչակյան Ղ. Աղայանը տպագրեց «Քյոթողլու թուրք» իր հայտնի վիպերգությունը, ուր Քյոթողլին հանդես է բերված որպես համաժողովրդական մի հերոս, որը «վեր է կանգնած սահմանափակությունից և մարմնավորում է սուլթաններին ու խաններին ենթակա ժողովուրդների սոցիալական իդձերը և ծառանալով տիրող դասակարգերի դեմ, իր քաջարի ու անձնուրաց մարտիկներով պաշտպանելով հարստահարվածներին ու ճնշվածներին՝ առանց կրոնի և ազգության խտրություն»²⁴:

20 «Պատմություն ս. դ. հնչակյան կուսակցության», հատ. Ա, էջ 98 և հտ.:

21 Նույն տեղում, էջ 131 և հտ.:

22 «Հնչակ», 1891, № 8:

23 «Հնչակ», 1892, № 2, էջ 12:

24 Տե՛ս «Հայ դրականության պատմություն», հատ. 3, էջ 296:—Պոկելով հայ դրականության պրոցեսը քաղաքական պատմության ընթացքից, Աղայանի մասին գրված տեսության հեղինակը շրջանցում է գրողի հնչակյան կուսակցականության հանգամանքը, անդիտանալով, որ նրա Քյոթողլու վիպերգությունը անդրադարձնում է ոչ թե անդրկովկասյան, այլ աբխազական միջավայրում հասունացող նոր տրամադրությունները: «Աղայանի մեկնաբանությամբ, — գրում է հեղինակը, — Քյոթողլին իբրև ժողովրդական հերոս, հավասարապես հարազատ է աղբյուրների (sic), բրգերի ու հայերի համար»: Որ Քյոթողլին նաև աղբյուրական ժողովրդի էպիկա-

Հնչակյան մտավորականների որոշ մասը կուսակցության հայացքների տարածման համար ըստ երևույթին չէր մոռացել կուսակցության անդրանիկ ծրագրի այն կետը, որը հրահանգում էր «Վաստակել համակրությունը հայ ժողովրդին վիճակակից Հայաստանի՝ մյուս բնակիչների ու ցեղերի, որպիսիներն են ասորիները, եզիդիները, քյուրդերը և այլնի դեպի հայ հեղափոխության գործը և նրանց աջակցությունն այդ գործում, որը միաժամանակ հայտնվում է և նրանց, իբրև նույն բռնակալության ձեռքով ճնշված ժողովուրդների ազատության գործը»²⁵։ Նկատենք, սակայն, որ հին ծրագրի այս հրահանգում չրջանցվում էր գերակշռող թուրք ժողովուրդը. ավելին, ըստ ծրագրի, թուրք բնակչությունն է հենց, որի ձեռքով խեղդամահ է լինում մյուս ժողովուրդների ազատությունը։ Ծրագիրը խտրություն չի դնում թուրք իշխող և հպատակ ժողովուրդների միջև, իսկ ծրագիրը մեկնաբանող «Նոր հոսանք» հոդվածում պարզապես ասված էր, որ թուրք բռնապետությունը հենարան է գտնում «թուրք ժողովրդի տգիտության մեջ, նրա կյանքի բոլոր կողմերի կատարյալ անշարժության ու նրա նախապաշարումների ծոցում, նրա կրոնական մոլեռանդության և օտարատյաց ու վայրենի բնավորության մեջ»²⁶։ Ահա թե ինչու, խոսելով թուրքիայում ճնշված ժողովուրդների մասին, անդրանիկ ծրագիրը ելնում էր այն իրողությունից, որ երկրի ժողովրդական զանգվածները տակավին հասած չլինելով իրենց ուրույն շահերի դիտակցությանը, հաճախ կույր գործիք էին դառնում իշխող ռեժիմի կամ ցեղակից ֆեոդալների ձեռքերում և նրանց թելադրանքով դիմադրում էին հայ ազատագրական շարժմանը։ Այս հանգամանքներում ոչ միայն համադեմոկրատական շարժում չէր ստեղծվում իշխող ռեակցիայի դեմ, այլև արևմտահայ ժողովրդի ելույթները հետապնդվում էին որպես անջատողական նպատակների հետամտող կամ «օտար պետությունների շահերին ծառայող խլրտումներ»։ Նման պայմաններում հայ գործիչների պրոպագանդիստական ջանքերն ապարդյուն էին անցնում։ Քանակի հաշվին որակ չդառնալով՝ հայերի ազատագրական շարժումը սեղմվում էր հայկական պայտյանի մեջ, սահմանափակվում զուտ ազգային պահանջներով։ Հայկական շարժման համար վտանգավոր դրություն առաջացավ, երբ, մանավանդ, ֆեոդալական ռեակցիան սկսեց նրա դեմ գրգռել հետամնաց քուրդ տարրերին, որոնք կարող էին նստակյացության անցնել միայն հայապատկան հողերի զավթումով։ Ստեղծվում է մի վիճակ, երբ համերաշխության ու համագործակցության քարոզները հասցեագրվում էին ոչ թե օտարազգի զանգվածներին, այլ նրանց վերնախավերին։ Այսպես, հնչակյան պրոպագանդիստ Դ. Կաֆյանը փորձում էր հարաբերությունների մեջ մտնել Դերսիմի քուրդ բեյի հետ՝ «միացյալ ուժերով պայքարելու համար հասարակաց թշնամիին՝ թուրք կառավարության դեմ»²⁷։

Կան հերոսն էր, այդ հանրահայտ է։ Սակայն սխալ հետնախորքի վրա ներկայացնելով Աղայանի 90-ական թթ. մտահայեցությունը՝ հեղինակը համառորեն զանց է առնում, որ հայ գրողը նկատի ուներ ոչ թե «ադրբեջանցիներին» կամ «Անդրկովկասի բազմազգ աշխատավոր գյուղացիությանը», այլ թուրքիայի ներսում տիրող կարգերի դեմ հայ, թուրք և քուրդ ժողովուրդների համատեղ պայքարի խնդիրը (հմմտ. նույն տեղում, հատ. 3, էջ 296 և 298)։ Ակնհերև է, որ 90-ական թթ. Անդրկովկասյան ժողովուրդների ազատագրական համատեղ սայքարի խնդիրները դեռ չէին կարող գրադիցրած լինել հնչակյան գրողի միտքը։

25 «Պատմություն ս. դ. հնչակյան կուսակցության», հատ. Ա, էջ 36։

26 «Հնչակ», 1889, № 2։

27 «Պատմություն ս. դ. հնչակյան կուսակցության», հատ. Ա, էջ 87։

1895 թ. թուրք կառավարությունը ձերբակալում է Կաֆյանին և որպես ռուսահայատակի նրան հանձնում Կ. Պոլսի ռուսական դեսպանին։ Վերջինս նրան էտապով Պետերբուրգ է հղում՝ դատի տալու համար։ Կաֆյանի դատական ինքնապաշտպանության փայլուն ճառը արձագանք գտավ նույնիսկ արտասահմանի սոցիալիստական մամուլի էջերում։

Հայ ազատագրական շարժման աղգային մեկուսացումը ուներ իր օրինակելի և պատճառները։ Դրանցից վճռականը Թուրքիայի տնտեսական հետամնացությունն էր։ Երկրի արտադրողական ուժերի և հաղորդակցության միջոցների զարգացման նկուն աստիճանը պայմանավորում էր նրա տարալիզու ժողովուրդների սերտ կապերի բացակայությունը և նրանց պահում տնտեսական ու մշակութային տարրեր մակարդակների վրա, պատճառ դառնալով նրանց փոխադարձ օտարացմանը, սերմանելով նրանց մեջ փոխադարձ անվստահություն ու թշնամանք և նպաստավոր մթնոլորտ ստեղծելով թուրք կառավարության և իշխող հասարակաշերտերի հայահալած քաղաքականության համար։

* * *

Ոչ հնչակյանների հին ծրագիրը և ոչ էլ նրանց նոր դադափարարանությունը արգելք չեղան, որ կուսակցության արևմտյան կազմակերպություններում ազատ ելումուտ ունենային հայազգի աշխատանքի տարրեր, ներառյալ մեծահարուստ վաճառականներին, աղեցիկ աղաներին և բարձրագույն եկեղեցականներին։ Բավական էր միայն, որ նրանք համերաշխ լինեն կուսակցության ծրագրին և առաջին հերթին նրա մոտավոր նպատակին։ Իր մի հոգվածում անդրադառնալով կուսակցության սկզբնավորմանը, «Հնչակը» ինքն իսկ խոստովանում էր, թե իր դրոշակը պարզաժին պես կուսակցության շուրջը հավաքվեցին աշխատանքի հայացքների տեր մարդիկ՝ պահպանողական, առաջադեմ, միապետական կամ հանրապետական և այլն, որոնք ցանկանում էին, աշխատելով կամ աշխատելով, ազգայնականությունը, «մերժելով հետևողական քաղաքական որևէ համոզմունք ու աշխարհըմբռնում»²⁸։

Թե ինչ վիճակ էր կուսակցության ներսում արդեն իսկ 90-ական թթ. սկզբներին կամ ինչ մտայնություններ տիրում երկրում գիտական սոցիալիզմի մասին նրանց վարած պրոպագանդայի շուրջը, այդ մասին կարելի է կարդալ կուսակցության հիմնադիրներից մեկի՝ Ռ. Խանադատյանի հուշերում։ «Տրապիզոնում և Կ. Պոլսում (1890 թ.) ունեցած գործունեությունն իսկ պարզ կերպով ցույց էր տվել, որ մարքսիստական գործունեության համար այդ երկրում ոչ մի հող չկար»,— գրում էր Ռ. Խանադատյանը²⁹։ «Քիչ չէին եղել դեպքեր, երբ Պոլսում մշեցի մշակներին սոցիալիզմի, դասակարգերի հավասարության մասին խոսածս միջոցին, ինձ ընդհատել էին ասելով։

«Թո՛ղ մեր տուն չը թալլին, ըզմըր կնիկ, ազգիկ չփախցուն, ըզմըր ցանքս չը վառին, ուրիշ բան մրդի պետք չէ»։

Եվ կամ այլ շրջաններում ինձ հանկարծ հարց էին տվել։

— Այդ ձեր ըսած սոցիալիստական կարգերը ո՞ր երկրի մեջ կան։

Եվ երբ սկսել էի բացատրել, թե առաջժամ ոչ մի երկրում չկա, բայց եվրոպական բոլոր երկրներում էլ մեծ թվով սոցիալիստներ կան, որոնք աշխատում

²⁸ «Հնչակ», 1897, № 12։

²⁹ «Հայրենիք» ամսագիր, 1924, № 2, էջ 121։

են սոցիալիստական հեղափոխություն առաջացնել և այլն, ինձ պատասխանում էին.

— Է՛հ, անի որ կըսեք, դեռ ոչ մի տեղ այդ կարգեր չկան, մի՞թե հայերս սփտի սոցիալիզմի առաջին օրինակը տվողը ըլլանք: Խոզ առաջ մեղմե զարգացած ազգեր հաստատեն այդ կարգերը, վերջը մենք անոնց կհետենք»³⁰:

Այս կարգի դիտողությունները ռեալիստորեն մտածող հնչակյան գործիչներից ոմանց համոզում էին, հարկավ, որ Թուրքիայում նպաստավոր հող չկար ոչ միայն հետևողական մարքսիստական կուսակցություն ստեղծելու, այլև անգամ նարոդնիկական սոցիալիզմի պրոպագանդման համար:

Զի կարելի, այնուամենայնիվ, պրոգրեսիվ երևույթ չհամարել զիտական սոցիալիզմի այն պրոպագանդը, որ տանում էր 1893 թ. նույն Ռ. Խանադատյանը ամերիկահայ բանվորների մեջ: Դիտական սոցիալիզմի հայերեն անդրանիկ խոսքն էր դա, արտասանված դիպուկ պահին և դիպուկ վայրում:

Սակայն հիմնականում հնչակյանների հետամտած «հեռավոր նպատակը» չէ միայն, որ տարածայնություններ էր առաջացնում կուսակցության արևմրտահայ կազմակերպությունների ներսում. ավելի լուրջ և ավելի վտանգավոր բարդություններ էին առաջացնում կուսակցության «մոտավոր նպատակի» իրականացման միջոցների մասին եղած առարկությունները:

90-ական թվականների կեսերին հայկական շարժման դեմ երկրում սաստկացած հալածանքների պահին հնչակյան շարքերում ծագում էին տազնապալից տրամադրություններ: Անհամեմատ ավելի լայն ծավալ և ծանր հետևանքներ ունեցավ հնչակյանների ներկուսակցական այն տազնապալ, որն իրեն զգալ տվեց մանավանդ 1896 թ. Լոնդոնում կայացած նրանց առաջին ընդհանուր պատգամավորական ժողովում: Այդ պահին է, որ հնչակյան կենտրոնի պաշտպանած «սոցիալիզմը» և մանավանդ արևմտահայ շարժման նրա պրակտիկան բխավեց կուսակցության արևմտահայ կազմակերպություններում զորեղացած լիբերալների դիմադրության ժայռին՝ պատճառ դառնալով կուսակցության երկփեղկմանը:

Լոնդոնում գումարված առաջին պատգամավորական ժողովում մեծամասնություն կազմող արևմտահայ հնչակյանները պահանջում էին գործող ծրագրից դուրս նետել սոցիալիզմի հարցը, մշակել անխաւն «ազգային ծրագիր»: Նրանք մատնանշում էին, որ եվրոպական պետությունները, որոնց վճռականությանն էր թողնված հայկական հարցի լուծումը, չեն կարող բացասաբար չվերաբերվել դեպի ազգային մի շարժում, որի գլուխ կանգնած են սոցիալիստները: Դրանով, ասում էին նրանք, կուսակցությունը իրենց դնում է «ազգային դատից» դուրս:

Փոքրամասնություն կազմող ռուսահայ և պարսկահայ պատգամավորները պաշտպան կանգնեցին հնչակյան կուսակցության սոցիալիստական կողմնորոշմանը: Սակայն փոքրամասնության մեջ լինելով՝ նրանք անկարող էին մեծամասնությանը պարտադրող որոշումներ կայացնել: Արփ. Արփիարյանի, Մ. Տամատյանի, Հ. Ճանկուլյանի գլխավորած մեծամասնության պատգամավորները լքելով նիստերի դահլիճը և հավաքվելով այլ սրահում, ընտրում են կուսակցության նոր վարչություն և փոքրամասնության պատգամավորներին պահանջ դնում՝ իրենց հանձնել կուսակցության գործերն ու գույքը:

30 Նույն տեղում, էջ 121—122,

Փոքրամասնականները դիմեցին անգլիական դատարանին, որը կուսակցության իրավատեր ճանաչեց նրանց ներկայացուցիչ Նազարբեկյանին՝ կուսակցության հիմնադրին և նրա պաշտոնաթերթի սեփականատիրոջը:

Լրելով Լոնդոնը, մեծամասնականներն իրենց վերանվանեցին «Հընչակյան վերակազմյալների կուսակցություն»: Իրենց գործունեության կայան դարձնելով Եգիպտոսը՝ 1897 թ. նրանք սկսեցին հրատարակել «Մարտ» օրգանը:

Թեպետև ներկուսակցական տարածայնությունները սնվում էին սոցիալիզմին թեր ու դեմ տեսակետների շուրջը, սակայն հնչակյանների մոտ բախումը տեղի ուներ իրապես կուսակցության լիբերալ և դեմոկրատական կողմ-նորոշումների շուրջը, որչափ հնչակյանների գործունեության մեջ սոցիալիզմի պարագան տնչան դեր էր կատարում միայն: Էրդրումի 1889 թ. «Պաշտպան հայրենյաց» կազմակերպության ցույցը, հնչակյանների 1890 և 1895 թթ. Պոլսի ելույթները, Սասունի 1893—94 թթ. և Զեյթունի 1895 թ. նրանց ապստամբությունները և վերջապես 1896 թ. Վանի կոիվներում նրանց ունեցած մասնակցությունը կամ այդ տարիներին բուն երկրում և փոքրասիական քաղաքներում նրանց կատարած աշխատանքը անմիջական աղերս շունին հնչակյան կենտրոնի սոցիալիստական ազդարարությունների հետ: Փաստորեն պատգամավորական ժողովի քննադատները ևս դժգոհ էին կենտրոնի ղեկավարությունից, աչքի առաջ ունենալով գլխավորապես հայկական շարժման և հայկական հարցի առաջ ստեղծված քաղաքական փակուղին:

Քննադատ-պատգամավորները գիտեին, որ չարդելով հայ գյուղացիներին ու քաղաքացիներին, սուլթանը շամփրում էր ոչ թե հնչակյանների «հեռավոր նպատակը», այլ հետամուտ էր արյան մեջ խեղդելու Հայաստանի անկախության «հեռավոր նպատակի» համար նրանց կազմակերպած ցույցերն ու մարտական ելույթները:

Ելնելով այն իրողությունից, որ «վերակազմյալ» հնչակյան աչքի ընկնող գրողներից Ա. Արփիարյանի, Լ. Բաշալյանի, Ա. Զուպանյանի գրական-գեղարվեստական գործերը դեմոկրատական և ռեալիստական բովանդակություն ունեն, նրանց հասարակական-մտավորական գործունեությունը բնութագրող հեղինակները հաճախ աչք են գոցում այդ գործիչների գլխավորած շարժման լրբերալ ուղղության առջև: Նույն սխալն են կատարում նաև ոմանք, երբ նշելով ուս առաջավոր գրողներից դրանցից ոմանց կրած գրական ազդեցությունը, սխալ հետևություններ են անում նրանց քաղաքական դիրքավորման մասին: Հայտնի է, մասնավորապես, Արփիարյանի և Իր. Արծրունու միջև եղած սերտ առնչությունը:

Հիրավի, «վերակազմյալ» հնչակյանները ունեին այն հայացքը, թե հայկական շարժումը վիժում է, որչափ «հայ ժողովուրդը՝ իբր հավաքականություն. իր ունեւորներով և մտավորականներով՝ անտարբեր մնաց ազգային տառապանքի բարձման սրբադան գործին հանդեպ»: Դիմադիր կանգնելով «արմատականների» հեղափոխական տակտիկային, նրանք միտված էին պաշտպանելու «հավաքական շահը» և «ցեղային ինքնապաշտպանության դորավոր բնազդն ներշնչված ազատ ազգայնականություն»-ը և որդեգրում «անալամերժ ու բարեշրջական» վարքագիծ, հրաժարվելով «սոցիալիզմի քաղցրահնչյուն, բայց երազական գաղափարներից»³¹:

³¹ «Մրադիր վերակազմյալ հնչակյան (ազգայնական ազատական) կուսակցության», Պոսթրն, 1919, էջ 4—5:

Հին ու նոր հնչակյանների պայքարը սրվեց մանավանդ նրանց մամուլի էջերում:

Իր հողվածներում Արփիարյանը որոշ մերկացումներ էր արել Կ. Պոլսի հնչակյանների գործունեության մասին: Օգտագործելով նրա գրածները, մայրաքաղաքի ոստիկանապետ Նազիմ բեյը ձերբակալել էր մի քանի հնչակյանների: Այս բավական եղավ, որ «վերակազմյալների» դեմ մղվող պայքարը դյուրացնելու մտայնությամբ՝ «Հնչակը» մատնիչության մեջ մեղադրեր արևմտահայ ականավոր գրողին և իր համախոհներին նշավակեր որպես «նազիմականների», այսինքն՝ թուրք ոստիկանության վարձկանների³²: Իրենց հերթին «վերակազմյալները» ամբաստանում էին հին հնչակյաններին դրամական գեղծումների, երկիրը անդեն թողնելու և Սասունին ու Զեյթունին անհրաժեշտ օգնություն չհասցնելու մեջ: «Մարտ» օրգանը մեղադրում էր կուսակցության հին կենտրոնին, շեշտելով այն միտքը, թե իր ընկերական ուղղությամբ այն... «սլաստճառ եղած է հայ ժողովրդի շատերուն այս գործեն չեղոքացնելուն, և մանավանդ պատճառ եղած էր, որ Նվրոպան ազատություն չընորհե ընկերվարական հայերուն»:

1898 թ. խոնդոնում լույս տեսած «Նոր կյանք» պարբերականում «վերակազմյալ» հնչակյաններին հարած Արշակ Զոսմանյանը, հիմնավորելով կուսակցության նոր ուղեգիծը, գրում էր. «Փոխանակ անիմաստ ու թեթև հանդգնություններով հայրենիքին մեջ ցեղին ապահովությունը հետզհետե վտանգելու, փոխանակ նյութապես ազգը օրեօր ավելի տկարացնելու, հայ տղաքը թող պատրաստվեն բարոյական նեցուկներ ըլլալ կիսամեռ ազգին, անոր հոգին կենդանի պահել, անոր վարկը բարձրացնել, անոր գոյությունը ամրացնել: Ղարոցը, վաճառականությունը, արհեստները, գիտությունը, գեղարվեստները, գրականությունը—ահա անգին պայմանները, որոնցմով մեր ցեղը պիտի վերականգնի: Շամանյան կայսրության ամենեն զարգացած, ամենեն հզոր ցեղը ըլլալ ջանանք... Նթե հայերը ավելի զարգացում, ինքնաճանաչություն, բարոյական մշակություն ունենային, թուլացումը, ստրկացումը, համակերպությունը ինքնին անհետացած կըլլային. ամեն հայ պետք եղած ատենը ղենք մը գործածել կգիտնար, և աշխարհիս առջև ինքզինքը պաշտպանելու անկարող ուղորմելի ժողովուրդի մը տխուր պատկերը չէինք ներկայացնել»:

Այնուամենայնիվ, ինչպես տեսանք, շարունակելով կառչած մնալ հայկական շարժման դիվանագիտական կողմնորոշմանը, «վերակազմյալները» ևս միայն Բևզիայի դաշնագրությունը ստորագրող պետությունների մեջ էին տեսնում Արևմտահայաստանի ազատագրման հեռանկարը: Մեր հիշատակած հողվածում Զոսմանյանը գրում էր. «Զենք կրնար հավակնիլ կարծելու, թե մենք հայերս այնչափ նյութական ուժ ունինք, որ մեծ հեղաշրջումի մը ժամանակ, հակառակ Ռուսիո, Գերմանիո և Ֆրանսիայի կառավարությանց ակներև ընդդիմությանը և հակառակ տեղական, աշխարհագրական և պատմական զարհուրելի դժվարությանց, կարենանք մինակնիս քաղաքական հաջողություն մը ձևոք բերել...: Մեր հեղեղորեն թափած արյունը չէ մոռացված, անի տարր մըն է, որ պիտի հաշվի առնվի, և պիտի գործածվի այս կամ այն մեծ պետության շահուն... Պետք է կարող ըլլանք մեր շահը որոշ տեսնելու, և զայն եվրոպական մեծ շահերուն հետ համաձայնեցնելու... Արյունկղակ դպրոցականներու

³² «Հնչակ», 1897, № 11, 12:

ձեռքեն ազատելու է ազդը: Մեր աղետքները աշխարհ տակնուվրա ըրին... Ստիկա մեծ դեր մըն է, որ մենք խաղացած եղանք անդիտակցաբար: Կը մնա հիմա զիտնալ այն օգուտը զոր մենք ալ պետք է քաղենք, այսչափ վնասե հետո, բոլոր այս դժբախտություններեն... Տաճկաստանը անշուշտ բնակելի երկիր Ո՞ր պիտի դառնա և քաղաքակրթությունը պիտի անարգել հոն իր զործը սկսի, այս կամ այն եվրոպական զորության ձեռքով: Այդ նոր թվականը բացված ասեն, պետք է որ մեր ժողովուրդը պատրաստ ուժեր ունենա երկրին մեջ զորեղ զիրք մը զրավելու, ապա թե ոչ՝ ջնջվինք՝ ավելի զյուրավ՝ եվրոպական տարրին տիրական հոսանքէն քան տաճկին սուրեն»³³:

Նույն տեսակետը արծարծում էր «վերակազմյալների» օրդան «Նոր կյանք» նաև հետագայում: Այսպես, պարբերականի ղեկավարող ուղղությունը բաղաձայնող 1898 թ. № 6-ի առաջնորդողում սս կարդում ենք.

«Հայաստանի խնդիրը այսօր Եվրոպայի էն կարևոր հարցերեն մեկն է, որ եւր կլուծվի, ան ատենն է որ 1870-ին սկսած պատմությունը կրնանք իմաստասիրել, զնահատել: Հիմա ջանքերնիս պետք է ըլլա որ այդ լուծումը ազգին հույսերը պսակել: Այդ ուղղության մեջ մեր էն ամուր հենարաններն մեկը 61-րդ հոգվածն է. հայկական խնդիր անոր միջոցով եվրոպականացած է, փոխանակ Թուրքիո ներքին մեկ պարզ դավառական դժվարություն մնալու...»

Այս զանազան պայմանները, որոնք իրարու միանալով պիտի բարեփոխեն Հայաստանի վիճակը, անոնց զխավորներեն մեկն է 61-րդ հոգվածը: Չտրտրն-ջանք անոր դեմ, այլ ջանանք մեր հատակագծին ի նպաստ անկե առնել. ինչ օգուտ որ կրնա տալ»³⁴:

90-ական թվականների կեսերին հնչակյան կուսակցության համար ծանր միճակ ստեղծվեց նաև Անդրկովկասում: 1895 թ. ցարիզմը Մանեսի բանտը նետեց և ապա Ռուսաստան արքայից հնչակյան կուսակցության Քիֆիսի ղեկավարներին՝ Ղ. Աղայանին, Ռ. Խանադատյանին, Շիրվանզադեին, Ատրպետին, Հ. Տեր-Միրաքյանին, Սարգիս Աղամիրզյանին, Ս. Սանդրոյին. Խաչիկ Վարդանյանին և Ռ. Բերբերյանին³⁵:

Ժանդարմական հալածանքներից անկախ, հնչակյան կուսակցության անդրկովկասյան կազմակերպությունների ներսում իսկ կային տարաձայնություններ, որոնք նրանց արգելում էին հանդես գալու և զործելու որպես զազափարապես միաձույլ կուսակցություն:

1890-ական թթ. առաջին կեսում հնչակյանների անդրկովկասյան ղեկավարների մեծ մասը համամիտ չէր կենտրոնի «մարքսիստական» դիմորոշմանը. նրանք զրսևորում էին իրենց անգլիական կողմնորոշումը. Հայանի է խանդավառ այն հանդիպումը, որ նրանք կազմակերպեցին ղաղստոնյան Daily Telegraph» թերթի թղթակից էմիլ Դիլոնի հետ Աղստաֆայի կայարանում: 1895 թ. Քիֆիսի ժանդարմական վարչությանը տված իր բացատրությունների մեջ Ղ. Աղայանը հայտնում էր, որ ինքը չի բաժանել հնչակյանների հետսվոր նպատակը և հարել է այդ կուսակցությանը, նկատի ունենալով սոսկ արեմտահայելի ինքնապաշտպանությունը և սասունցիներին օգնություն հասցնելու ան-

³³ «Նոր կյանք», 1898, № 8, էջ 116:

³⁴ «Նոր կյանք», 1899, № 6-ի առաջնորդողը, որի հեղինակը Արփիարյանն էր անշուշտ:

³⁵ «Պատմություն ս. դ. հնչակյան կուսակցության», հատ. Ա, էջ 223: Ռ. Բ Ե ր Ե ր Կ ան ն Երկու դարերի շեմքին, «Հայրենիք» ամսագիր, 1939, № 4, էջ 62:

հրաժեշտությունը: Ղ. Աղայանը անկեղծ էր մանավանդ, երբ հայտնում էր, որ ընտելացած համարել կուսակցության կենտրոնի կողմից իրենց վրա հսկիչ նշանակված «գործակալների» կարևորությունը. ականարկը գլխավորապես վերաբերում էր կենտրոնի «մարքսիստական» նոր կուրսի պաշտպան Սաքո Աղամիրզյանին: Պետք է գործել ոչ թե խոնդոնի ցուցմունքներից հրահրված, այլ հանգամանքների կոնկրետ թելադրանքներից ելնելով, ասում էր Աղայանը: Պետք է սպասել և ուշադիր հետևել մանավանդ «մայիսյան ռեֆորմների» համար պետությունների նշանակած «եվրոպական հանձնաժողովի» գործողություններին³⁶:

Թիֆլիսի հնչակյան ղեկավարների մեջ կային տարաձայնություններ նաև տակտիկական հարցերի շուրջը:

Շիրվանդանդեն վկայում է, որ Թիֆլիսի հնչակյան կոմիտեին անդամակցելու տարիներին Թիֆլիսի հնչակյան կոմիտեում ինքը և Աղայանը շարունակ պիմադրում էին դրամ ստանալու նպատակով հարուստներին ահաբեկելու առաջարկների դեմ, այն պատճառաբանումով, թե «հայ դատը չպետք է ապականել անհատների արյունով: Այլ բան է, երբ տեղորդ գործադրվում է մի մատնիչի վերաբերմամբ, բայց դրամի համար թափել մարդկային արյուն՝ դա կնշանակեր պղծել մի հեղափոխական դործ»³⁷:

Ուշագրավ է, որ Աղայանի հայացքները բնորոշող կարծիքները ի հայտ եկան նաև 1898 թ. նրա հրապարակած «Ժամանակակից ատենախոսության» մեջ:

Արևելահայ գրականության մեջ Ղ. Աղայանը ժողովրդագրության սկզբունքներով առգործված, ժողովրդի շահերին նվիրված և ժողովրդի կողմից սիրված այն հեղինակն էր, որի գրականությունը մի պահ լիցք ու ուղղություն էր ստացել Արուսյանի և Նալբանդյանի դեմոկրատական լուսավորչության գաղափարներից: 80-ական թթ. նա արձագանքում էր ազգային-ազատագրական այն խնդիրներին, որոնց դրոշակակիրն էր հանդիսանում Բաֆֆին: Այդ շէր խանգարում, որ գրողը քննական վերապահումներ ունենար անգամ Բաֆֆու և նրա ժամանակակիցների ազգային-քաղաքական հայացքների և հատկապես «Կայծերի» ռոմանտիկ միտվածության նկատմամբ:

1898 թ. Աղայանի գրած ատենախոսության մեջ ղեռ լսելի են աղբյւրին-նարողնիկական շաղափարախոսության արձագանքները:

«Ժամանակակից ատենախոսության» հեղինակը համոզված էր, որ ժողովրդի կեցությունը բարելավելու ուղին հանրային սեփականության ծավալումն է: Եթե քաղաքներում միայն մասամբ է հնարավոր անցյալից եկող սեփականության այդ ձևի տարածումը, ասում է հեղինակը, անհամեմատ դուրին է դրա պատվաստումը գյուղում: Որքան ավելի մեծ է գյուղի ընդհանուր սեփականությունը, նույնքան ավելի բարեկեցիկ է նրա կյանքը, ավելի քաղաքակիրթ և երջանիկ՝ նրա կենցաղը: «Ժողովրդի բարոյական վիճակը նրա տրեստեսական վիճակից կախումն ունի, իսկ տնտեսական բարեկեցությունը՝ նրա համայնական սեփականությունից: Մի հասարակության մեջ որքան շատ ու բազմատեսակ լինեն ընդհանուրին պատկանող սեփականություններն ու հաս-

³⁶ ЦГИА, ф. деп. полиции, 102, д. 137, 1895, № 254.

³⁷ Շիրվանդանդե, Երկերի ժողովածու, հատ. 8 էջ 221:

տատությունները, նույն չափով բարձր կլինի նրա բարօրության աստիճանը և նույն չափով սակավ շարիք կգործվի նրա մեջ»³⁸:

Ինչ կերպ է կարող ներկա հասարակության մեջ գերակշռող մասնավոր սեփականությունը տարածվել մարդկանց բարեկեցության և երջանկության աղբյուր ծառայող ընդհանուր սեփականության: Աղայանը այն կարծիքին չէր, որ այդ հնարավոր է քաղաքական կամ սոցիալական հեղափոխության միջոցով: Համոզված է, որ դրան կարելի է հասնել «առանց թոխքների գործելու», աստիճանական դարգացման միջոցով: Աղայանը հավատացած է, որ մարդասիրական գաղափարի ընդհանրացման միջոցով հնարավոր պիտի դառնա նաև արևմտահայերի ազատագրումը: Սակայն հայը չի կարող հույս դնել օտարների մարդասիրության վրա, եթե ինքը օրինակ չտա մարդասիրության: Աղայանը չի թաքցնում, որ արևմտահայերի նկատմամբ նա օգնության հույս ունի Անգլիայից:

«Ժամանակակից ատենախոսություն» մեջ յուրովի արտահայտություն էր պատկերացրել 90-ական թթ. երկրորդ կեսում արևմտահայ ազատագրական շարժման գաղափարական տեղատվությունը և մասնավորապես այն տագնապը, որ վերապրում էին այդ ժամանակ հնչական կուսակցության կովկասյան կազմակերպությունները սաստկացած ցարական հետապնդումների պատճառով: 1897 թ. հուլիսի 28-ին կուսակցության կովկասյան մասնաճյուղերից մեկին ուղղած մի նամակում Ա. Նաղարբեկյանը այլաբանորեն գրում էր այդ մասին. «Ձեզ քաջ հայտնի է, որ վերջին տարիներում մեր առևտրական (իմա՝ կուսակցության—Ա. Հ.) գործերը Կովկասում չեն կարող պարծենալ իրանց փայլով... Դրա ամենազլխավոր պատճառը մեր առևտրական գործակալությունների առանց Լոնդոնի, առանց հարատևության գործելն է, որը, խոսք չունիմ, ունի նաև իր ուրիշ ներքին պատճառները: Բայց այսպես կամ այնպես այդ անդործությունը, այդ տարտամ վիճակը, այդ թույլ ընթացքը միջոց տվեց ու ազատ ասպարեզ բացեց մեր մրցակից մյուս առևտրական ընկերություններին (իմա՝ դաշնակցականներին ու գուցե նաև լիբերալ նարոդնիկներին—Ա. Հ.) մեռ ոտքի տակից խլելու այն հողն էլ, որ դանադան ջանքերի շնորհիվ առաջվանից ձեռք էինք բերել այդ կողմերը»³⁹:

1895—96 թթ. հայկական ջարդերից հետո սուլթան Համիդը մի պահ դարձավ տվեց օսմանյան սրի զարկերին: Դիմադիր ուժերին կազմալուծելու քաղաքացիությունը նա փորձեց բանակցություններ սկսել հայ հեղափոխականների հետ և անդամ «ներում շնորհել» նրանց: «Հնչակը» տրամադիր էր հայկական ու հունական շարժումների ազդեցությանը վերադրել գաղանի խորամանկությունը: «Պատուի ծաղրածուն,— գրում էր նա,— որի ակոսները թափվեցան հայկական ոսկորները կրծելուց, կորցրել է այլևս իր խածնելու եղակի հատկությունը»⁴⁰: Հաջորդ համարներից մեկում նա ավելի որոշ էր արտահայտվում այս մասին. «Հայկական շարժումները խախտեցին ամբողջ Թուրքական կայսրության հիմքերը և հունական շարժումները հիմա վրա հասան բոլորովին այն կործանելու և քանդելու համար»: Եվ դեռ ավելին. «Հնչակը» կարծում էր, թե այդ շարժումները «տանում են նախ՝ դեպի եվրոպական հիպոկրիտ ու հակա-

38 Վ. Աղայան, երկերի ժողովածու, հատ. 3, 1963, էջ 104:

39 Մեր հայկական ֆիլիալի արխիվ, ֆ. 45, ց. 1, դ. 39, թ. 1:

40 «Հնչակ», 1897, № 1, էջ 1:

մարդկային կոնցերտի ոչնչացումը և ապա, այդ ուղիով, դեպի Թուրքիայի տապալման ժամը»⁴¹։

Եվրոպական պետությունները և ամենից առաջ Անգլիան տրամադիր էին «մեծահոգությանը» վերագրելու սուլթանի «մեղմացումը»։ Մինչդեռ, թող փշեղով եվրոպական դիվանագիտության աչքերին, Համիդը ձգտում էր ապացուցել, որ այլևս Թուրքիան կարիք չունի նրա միջամտությանը և պատրաստ է իր ձեռքով իսկ վճռել հայկական հարցը։ Փոքր ինչ հետո «Հնչակի» հերթական համարն իսկ հանգում էր այն մտքին, որ եվրոպական տերությունները շահագործել են ու շարունակում են շահագործել արևելքի շարժումները հոգուտ իրենց և ի վերջո նաև հոգուտ Թուրքիայի, ընդդեմ սրա յաթաղանի տակ ընկըծված փոքր ազգերի⁴²։ Հնչակյան ղեկավարներից ոմանք նույնիսկ սկսում են գլխի ընկնել, որ եվրոպական տերությունները և մասնավորապես Անգլիան, որի նկատմամբ բացառապես լավատես էին բոլոր երանգի հնչակյանները, բնավ չահագործված չէին արևելյան ազգերի ազատագրությունը։

Հնչակյան կուսակցությունն ի վերջո դալթակղվում էր կարծելու, թե ազգր կգտնէր իր փրկումի ուղին, եթե... նրա մեջ գտնվեն միլիոնատեր հայեր, որոնք բաց ահեհին իրենց ոսկու սնդուկը արևմտահայ շարժումը ֆինանսավորելու համար։

Հին հնչակյանները գաղափարաբանական որոշ աշխույժ աղբյուրներ միայն 1903 թ. հետո։ Երա հիմնական պատճառը պետք է նշմարել Ռուսաստանում սկսվող հեղափոխական իրադրության և հասկապես Կովկասում ուժեղացող բանվորական շարժման մեջ, որն իր ջրապտույտի մեջ էր առել նաև հայ բանվորությունը։ Հնչակյանների շարքերում կատարվում են տեղաշարժեր։ Սոցիալիզմը, որ մինչ այդ սոսկ նարոդնիկական բնույթից ժառանգած վերապրուկ էր հնչակյանների ծրագրային հայտարարությունների մեջ, կարծես սկսում էր գործնական իմաստ ու բովանդակություն ստանալ և աշխույժ հաղորդել մարքսիզմի ազդեցությանը ենթարկված նրանց բանվորական կազմակերպություններին։

Վերագիրքավորման այս պրոցեսը սկսում է նկատելի դառնալ Թիֆլիսի հնչակյան «Ծիածանական» կոչված երիտասարդության շարքերում տակավին 90-ական թվականների վերջերին։ Պատանեկական տարիների իր հուշերին անդադադառնալով, Վ. Տերյանը պատմում է, թե ինչպես էր տակավին այդ պահին Ռիգայի պոլիտեխնիկումում ուսանելիս, Թիֆլիսի ծիածանականների «Ընկեր» օրգանում ղեկավարած իր նամակում, Ռուսաստանի հեղափոխական սոցիալ-դեմոկրատիայի դիրքերից, Ստ. Շահումյանը սահմանադատվում հնչակյան երբեմնի իր համախոհներին⁴³։

Այս նկատելի դարձավ, մանավանդ, 1903 թ. հոկտեմբերին հնչակյան կուսակցության երրորդ պատգամավորական ժողովում, որի աշխատանքներին կենդանություն ու նպատակասլացություն էին հաղորդում մանավանդ Անդրկովկասի բանվորական շրջաններից ժամանած պատգամավորները։ Ահա թե ինչու տաքարյուն չվերակաղմյալներից» ոմանք ատրճանակներ պարպեցին նրանց վրա, գետին գլորելով սոցիալիզմի պահանջ առաջադրող Բաքվի պատգամա-

⁴¹ Նույն տեղում, № 3, էջ 16։

⁴² Տե՛ս նույն տեղում, № 4, էջ 25։

⁴³ Վ. Տերյան, Երկերի ժողովածու, Երևան, 1961, հատ. 2, էջ 370 և հտ.

վորներ Համբին ու Սազունուն և Բաթումի պատգամավոր Տիգրան Իզմիրլյանին: Հնչակյան կենտրոնն անպատասխան չթողեց այս դեսպրը: Նրա ահաբեկիչներին եզրկոտորում զոհ դարձավ «վերակազմյալների» պարագլուխ Արփիարյանը: Իրենց հերթին վերջինիս կուսակիցները ահաբեկման անհաջող փորձ կատարեցին Ավ. Նազարբեկյանի վրա Շվեյցարիայում և Սապահգյուլյանի վրա՝ Ամերիկայում:

Դեպքեր էին սրանք, որոնք հնչակյանների արեւելահայ կազմակերպությունների վերակենդանացումից առավել ազդանշում էին 1905 թ. ռուսական հեղափոխության պահին կուսակցության կովկասյան կազմակերպությունների քայքայման սկիզբը:

ИДЕОЛОГИЧЕСКИЕ КОРНИ ФОРМИРОВАНИЯ ГНЧАКИСТОВ

Академик АН Арм. ССР А. Г. ИОАННИСЯН

(Резюме)

Армянская партия гнчакистов была основана в 1887 г. по инициативе примыкавшей к идеям народничества группы студентов-армян Женевского университета. Официальный орган партии — «Гнчак» — заимствовал свое наименование у герценовского «Колокола». Первое воззвание партии, адресованное «к образованной и сознательной молодежи», призывало ее к революционной самостоятельности «в народе, с народом и для народа». Изданная в 1888 г. первая программа партии исходила из положения, что «коммунистические порядки и коммунистические формы бытия» имеют свое основание в бытующих в армянской действительности остатках общинного строя. В этом же усматривалась возможность предупреждения капитализма и гарантия победы социализма у армян.

Считая «отдаленной целью» осуществление социализма, партия признавала своей ближайшей задачей освобождение из-под турецкого ига западных армян и создание на базе населенных армянами областей в Турции, Персии и России независимой армянской демократической государственности.

Лишь с начала 90-х годов, в условиях начавшегося в Закавказье бурного развития капитализма, в идеологических установках гнчакистов произошел формальный крен в сторону идей марксизма. При этом учитывались рост влияния марксизма в политической жизни Запада и необходимость использования международного веса рабочего класса в интересах разрешения армянского вопроса.

Характерно, что если в 1889 г. на первом конгрессе Интернационала гнчакисты были представлены идейным вождем российских народников — П. Лавровым, то впоследствии мандат на представительство своей партии на конгрессе Интернационала гнчакисты передали лидеру российского марксизма — Г. Плеханову.

Конъюнктурное восприятие марксизма привело к тому, что гнчакисты начали рассматривать Турцию как страну, якобы уже втянутую в русло капиталистического развития и имеющую благоприятные условия для развертывания рабочего движения.

Тем не менее, основным ручательством для своей победы гнчакисты продолжали считать силу «организованного меньшинства» и, в частности, благоприятную для положительного разрешения армянского вопроса позицию Англии середины 90-х годов. Именно к этому времени относятся организованные гнчакистами восстания армянского крестьянства в Сасуне и Зейтуне и шумные демонстрации армян в Константинополе. Погромы армян в Турции вызвали в рядах гнчакистов Западной Армении глубокий кризис, приведший в 1896 г. к расколу партии. На состоявшемся в том же году в Лондоне первом съезде гнчакистов ряды партии покинуло большинство ее делегатов из западных армян. Покинувшие съезд делегаты из западных армян клонились к теории и практике либерального реформизма и создали партию так называемых «вераказмялов», т. е. «реорганизованных гнчакистов».

Бурное развитие капитализма в Закавказье и вовлечение армян-рабочих в русло рабочего движения края в период революции 1905 г. привело рабочих членов партии гнчакистов в ряды РСДРП. Оставшиеся в рядах партии «старые гнчакисты», потеряв влияние на массы, приспособливали свою деятельность к политической линии армянской буржуазии. После установления Советской власти распад партии гнчакистов в республиках Закавказья стал политической неизбежностью.